

## Saksprotokoll i Fylkesutvalet - 09.02.2022

*Grunna overgang til nytt sak- og arkivsystem i fylkeskommunen 01.01.22 er ikkje saksprotokoll frå hovudutval for næring 10.12.21 fletta inn i møteprotokollen. Det vert vist til at denne ligg vedlagt saksdokumenta.*

**Anne Gine Hestetun (A)** stilte spørsmål om ho var inhabil fordi ho er styremedlem i BKK. Hestetun gjekk frå under spørsmålet om ho var inhabil. Fylkesutvalet vedtok samrøystes at Hestetun var inhabil etter fvl. § 6 første ledd bokstav e nr. 2. Hestetun gjekk frå under behandlinga av saka. Varamedlem **Per Jarle Valvatne (A)** gjekk inn i møtet under behandling av saka medan Hestetun var ute.

**Sigrid Brattabø Handegard (SP)** sette på vegner av SP, A, V, KRF fram slikt forslag:

«Alternativ punkt 1

1. Vestland fylkeskommune er oppteken av at vilkårsrevisjonen sikrar produksjonen av elektrisk energi framover. Vestland fylke treng meir fornybar energi samstundes som biologisk mangfald må sikrast. Vidare ber Vestland fylke NVE vektleggje dei ulike fråsegna frå kommunar, grunneigarar og organisasjonar som er råka av reguleringa.»

**Terje Søviknes (FRP)** sette fram slikt forslag:

«Endring punkt 3 og 4

Punkt 3: første strekpunkt går ut

Punkt 4: siste setning går ut, og vert erstatta med; "Vestland fylke stør auka dynamisk slepp med 500 l/s fra Storefossen."»

### Avrøysting

Søviknes sitt forslag fekk 3 røyster (FRP, UA) og fall.

Innstillinga unnateke punkt 1 og punkt 3 første strekpunkt og punkt 4 siste setning vart samrøystes vedteke.

Innstillinga punkt 3 første strekpunkt og punkt 4 siste setning vart vedteke mot 2 røyster (FRP) Brattabø Handegard sitt forslag vart samrøystes vedteke.

### Vedtak

1. Vestland fylkeskommune er oppteken av at vilkårsrevisjonen sikrar produksjonen av elektrisk energi framover. Vestland fylke treng meir fornybar energi samstundes som biologisk mangfald må sikrast. Vidare ber Vestland fylke NVE vektleggje dei ulike fråsegna frå kommunar, grunneigarar og organisasjonar som er råka av reguleringa.

2. Vestland fylkeskommune ber om at NVE tileignar vekt til ev. innspel med fokus på å ivareta og formidle historia rundt dei gamle kraftindustrianlegga knytt til Bergsdalsvassdraget. Større og mindre tiltak på og i nærføring til kraftindustrianlegga, skal leggest føre kulturminnestyresmaktene for nærare uttale.

3. Vestland fylkeskommune føreslår følgjande tiltak i Bergsdalsvassdraget:

- Slepp av minstevassføring frå Hamlagrøvatnet. Ein må ta utgangspunkt i vanleg lågvassføring sommar og vinter. Minstevassføring bør prøvast ut i ein periode på 5-10 år for så å kunna justerast for å få optimale tilhøve for livet i vatnet.

- Det må lagast ein terskelplan der alle gjeldande tersklar, nye tersklar, steingrupper og andre tiltak vert vurdert etter funksjon og behov.

- Regulanten må påleggjast å jamleg utføra klipping og fresing av tilgrodde stader ved Rødland, Lid og eventuelt andre stader i elva.

- Regulanten må etter behov ta ansvaret for å fjerna unaturleg oppsamling av mudder og slam som har oppstått i samband med reguleringa.

4. Vestland fylkeskommune føreslår at minstevassføring aukast til minst 5 m<sup>3</sup> i nedre del av Daleelva nedanfor Dale kraftverk, i tråd med krav frå Dale jakt og fiskarlag. Minstevassføringa frå Storefossen, som i dag er på 300 l/s, må òg aukast.

5. Føreslåtne minstevassføringar frå regulanten må kvalitetssikrast av fleire forskingsorgan for å vera sikker på at vassbehovet er dekkja for å få ein forbetra produksjon av fisk i elva. Ein må ta utgangspunkt i vanleg lågvassføring sommar og vinter.

6. Det bør leggjast til rette for turløype på sørsida av vassdraget frå Bergsøyane til Småbrekke. For å få dette til trengst ei bru nedst i Oddmundsdalen før elva renn inn Bergsvatnet. I tillegg må det lagast ein plan for kantvegetasjon, kantrydding og visuell oppleving av vassdraget og fossane.
7. Vestland fylkeskommune ynskjer at det vert gjort målingar i vassdraga for å kartleggje kvar gassovermetting er eit problem og vidare iverksett tiltak for å unngå gassovermetting.
8. Etter Vestland fylkeskommune sitt skjønn må regulanten sit forslag, om å endra reguleringa med 2 m lågare sommarvass-stand i Hamlagrøvatnet, sjåast opp imot det å då kunne sleppa minstevassføring frå Hamlagrøvatnet og vidare nedover i vassdraget. Berre dersom dette gjev både auka kraftgevinst og minstevassføring, kan dette vera eit aktuelt tiltak.
9. Vi ber om at nye vilkår ikkje er eit hinder for at regulanten kan drive flaumdemping gjennom aktiv regulering før og under store tilsigsepisodar.
10. Administrasjonen søker NVE om utsett uttalefrist slik at FUV kan vedta sin høyringsuttale i sitt møte 9.februar 2022. (Etter at kommunestyra i vertskommunane har vedtatt sine høyringsuttalar innan 01.02.2022).
11. Administrasjonen ber vertskommunane om å få tilsendt innstillingane frå formannskapa/planutvala til kommunestyra. Desse vert referert i HU for næring 13.januar 2022